

sanjvwnz

Vunz Youq Baihrog Niemh Diegcoj

人在他乡情相牵

□ Loz Yungzgnh

Bouxvunz youq baihrog dwg bouxhek, moix daengz ngoenzciet engq-gya niemh vunzcaen.

Bouxvunz youq baihrog, moix daengz ndwencieng roxnaeuz ngoenzciet cungj siengjniemh vunzranz, lij lai miz faenh siliengz ndeu. Miz geijlai baez, bouxyouz youq haemh bet nyied cibngux, gig godan caemhcaiq gig camjdanh.

Bouxvunz youq baihrog, ndawsim niemh diegcoj, faenh gamjcingz doiq diegcoj nanz cuengq ndaej roengz. Daengz ronghndwen daj gwnz haij menhmenh swng hwnjdaeuj, ndaw siengjniemh cungj raen miz rumz、fwj、fwn、bya、dah caeuq vunz diegcoj.

Bouxvunz youq baihrog, byaij gwnz byaij laj, biu bae biu dauq, mbouj miz giz dingz din, najdoiq daengxbiengz gig najseng neix, geijlai haemh lumj haemhneix miz rumz seizcou cifiedf. Geijlai aen bet nyied cibngux, geijlai

haemh, simnaiq seiz, cijnaengz doiq ronghndwen daejdwk, gaem boi laeuj youq henzcueng gag ndoet……

Youh daengz bet nyied cibngux lo. Aen ronghndwen gig nduen, yaep he okdaeuj yaep he ndoj laeb fwj, bouxyouz youq lajmbwn gag bouxvunz dog, vangq yawj ronghndwen. Mboujlwnh gingjsaek geijlai gyaunde, cungj goemq mbouj ndaej faenh siliengz ndawsim bouxyouz.

Lix dwg vunz diegcoj, dai baenz hoenz diegcoj. Youq baihrog dwg bouxhek, caenhguenj gaenq gwn raemx diegrog gvenq, cimz caz diegrog caez, hoeng, mboujguenj diegrog caiq ndei, cungj daiqlawh mbouj ndaej bouxyouz gyaenz diegcoj caemhcaiq niemh diegcoj.

Bouxvunz youq baihrog, daengz ndwencieng caeuq ngoenzciet cungj rox siengj daengz bohme、beixnuengx、baengzyoux seiziq doxcaemz, siengj-niemh gij bya caeuq dah diegcoj caez.

gojsaeh iq

Naengsoem Gyaujswj

饺子皮尖

□ Cinz Vangsenh

Miz ndaek lwg vunzfouq ndeu daegbied maij gwn gyaujswj, ngoenzngoenz cungj aeu gwn. Danhseih de daegbied gvai gwn, cijdan gwn gij hamh baihdaw, naengsoem gyaujswj cix gveng roengz ndaw mieng baihlaeng ranz de bae.

Mbouj geijlai nanz, de ndaej 16 bi bihaenx, aen ranz de deng feiz coemh bae lo, bohme de gikheiq dwk doxriengz dai bae. Gwnzndang de mbouj miz saek faen ngaenz, youh mbouj ndei eiqseiq bae rumh gwn. Beixnangz ranznden hix simndei, moix donq soengq hawj de vanj mienh he. Doeklaeng de yunghsim doegsaw, gvaq sam bi le de gauj ndaej aen deihvih dangguen ndeu dahraix lo, de siengj dauqma le itdingh aeu ndeindei bauqdap beixnangz ranznden.

Beixnangz doiq de naeuz, mwngz gaej docih gou, gou mbouj miz maz soengq hawj mwngz, neix dwg gou dangnienz rom gij naengsoem gyaujswj mwngz gveng haenx, dak sauj le cang baenz geij daehndaij, bonjlaiz dwg louz guh bwh yungh, danhseih mwngz seizneix cingqngamj sihyau, couh sien boiz dauq hawj mwngz lo.

Goeng hak naemj le gig nanz, gig nanz……

“Vwnzgwz” doenghluenh buq-vaih ginghei Guengjsae, cujyau daej-yienh youq baih gunghyez. Bi 1967, daengx gih gunghyez canjciz beij bi 1966 doekroengz 8.97%, bi 1968 youh beij bi 1967 doekroengz 30.7%.

Sevei cizsi bienq cingqciengz le, dauqguh caeuq fazcanj couh baenz aenrap gig yienhda swcigih raeuz lo.

Bi 1969 nienzco, Veiz Gozcingh soujsien bae Liujcouh Si aen singz gunghyez lai gyonjcomz youq haenx guh diucaz. De ngamq daengz Liuj-couh seiz, gizde cingq youq ndaw bi cingq roengz ciengz nae daih’it, mbanj ngefaex cungj deng nae at goz lo. Goengdaeuz bonjdieg lwnh de nyi, baez doek nae neix dwg Liujcouh youq gwnz lizsij noix raen ndeu. Veiz Gozcingh riu naeuz: “Bi doek nae caijsaq ndei, bineix dwg bi ndei bw!”

Liujcouh Si bi 1967、bi 1968 song bi neix, aenvih souh “vwnzgwz”

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcoub Liuz Giongliuj Cioz Siengzzen boiz

cunggik, dingzlai giyez dwg dingzcanj roxnaeuz buenqdingzcanj, daengx si gunghyez canjciz caeuq caizcwnng souhaeuj, bi 1968 beij bi 1966 faen-bied doekroengz 68% caeuq 48%. Veiz Gozcingh iugouz gij goengdaeuz gwzvejvei ndaw si, nyinhcaen ciuq gij yenzcwz “gaem vanj raemx hawj bingz”, guh ndei hong song baij, siucawz gij gitgaz song baij, gyagiengz doxgiet, caezcienz gak gaep lingjdaui banhswj, gaem cingjdun giyez, dauqguh cizsi swnghcanj, gyagiengz guenlleix giyez, baengh gyoengq

vunzhong caeuq gunghcwngz gisuz yinzyenz, dauqguh caeuq fazcanj swnghcanj. Danhfanx gij giyez hengzguh sam ban guhhong haenx, goengdaeuz caemh aeu baen sam ban doxlwnh bae cigban, yawhbienh gibseiz gaijgez gij vwndiz guhhong ndawde fatyienh haenx. De naeuz: Cijmiz dauqguh caeuq fazcanj swnghcanj, Liujcouh Si cij ndaej gaijgez caizcwnng gannanz, gij gwndaenj vunzhong cij ndaej gaijndei.

Veiz Gozcingh bae Liujganh cazyawj seiz, gij vunzhong cehgenh

cingq coih luzfeiz, baet ciengzdieg, vih dauqkungz lienh faz guh ndei cinjbi. De caeuq gij goengdaeuz ndaw cangj nem gij vunzhong gyaudamz, ndaej rox Liujganh siengj dauqkungz lienh faz lij miz haemqlai gannanz, mizmbangj gannanz gyoengqde gag gaijgez mbouj ndaej, aeu baengh swcigih bang-coengh caeuq dingjrengz cij baenz. Veiz Gozcingh sikhaek cingj swcigih mizgven bumwnz ngeixyaeng, fucwz gaijgez, hawj Liujganh ndaej dauqkungz guh ndei swnghcanj.

(caengz sat)

gojsaeh iq

Mbawfaex Ngoenzcog

明天的树叶

□ Luz Mingzdez

Miz laeq lwgsai iq ndeu, baihlaeng ranz de miz benq ndoengfaex he, seiz miz rumz boq, mbawfaex ndaw ndoeng biu hwnj biu roengz, mizseiz biu haeuj gyangranz caeuq bakcauq de bae, yienghneix, boh de couh heuh de moix ngoenz baet seuq mbawfaex cij bae hwnjhag. Ranz ngamq rongh de couh hwnqdaeuj baet mbawfaex, baeg dahraix, daegbied dwg seizcou caeuq seizdoeng, mbawfaex lumj naeuz iekdingh ndei nei, cungj mboujduenh loenq roengzdaeuj. Baenzngoenz cungj aeu haujlai seizgan bae baet mbawfaex, laeq lwgsai iq neix gamjdaengz fanz lai. Doeklaeng de daj bouxwnq gizhaenx ndaej aen banhfab ndei ndeu, couh dwg yunghrengz ngauz gofaex hawj mbawfaex loenq liux cij baet, ngoenzcog couh mbouj yungh baet lo! Aen banhfab neix hawj laeq lwgsai iq neix gig angq, haet daihngleih de hwnqdaeuj gig romh, sien yunghrengz ngauz gofaex liux cij baet ranz, ngoenzneix baet couh dingj daengz ngoenzcog lo, ngoenzde de gig simhai. Ngoenz daihngleih, de youh hwnqdaeuj gig romh, byawz rox, daengz ndoengfaex gizhaenx yawj, vanzlij dwg mbawfaex rim gwnznamh, laeq lwgsai iq lawq lo……

De soengz youq ndaw doi mbawfaex, sawqmwh siengj doeng gienh saeh he yawz baenz yienghneix——mboujlwnh ngoenzneix baenzlawz yunghrengz, ngoenzcog lij miz mbawfaex loenq roengzdaeuj! Seizhaenx, laeq lwgsai iq rox lo: Gwnzbiengz miz haujlai saeh mbouj ndaej guh gonq, seizneix miz hong, ngoenzngoenz miz hong cij dwg aen daidu doiq sengmingh ceiq caen bw.



Funghvuengz Mbanjcuengh.